

抱樸子外篇

稚川葛洪著

嘉遁

抱樸子曰有懷丘先生者薄周流之棲遑悲吐握之良苦讓高  
懷於陸海爰躬耕乎斥鹵秘六奇以括囊含琳琅而不吐謚青  
音則莫之或間掩輝藻則世不得覩背朝華於朱門保恬寂於  
蓬戶絕軌躅於金張之間養浩然於幽人之伍謂榮顯爲不幸  
以玉帛爲草土抗靈規於雲表獨違今而遂古庇峻岫之巍峩  
藉翠蘭之芳茵漱流霞之澄液茹八石之精英思眇眇焉若居  
乎虹霓之端意飄飄焉若在乎倒景之鄰萬物不能攪其和四  
道藏輯要

抱朴子

一毫

虛集九  
又川也

海不足汨其神於是有起勢公子聞之慨然而嘆曰空谷有項  
領之駿者孫陽之恥也太平遺冠世之才者賞真之責也安可  
令俊民全其獨善之分而使聖朝乏乎元凱之用哉乃造而說  
曰徒聞振翅竦身不能凌厲九霄騰躡玄極攸敘彝倫者非英  
偉也今先生操立斷之鋒掩炳蔚之文玩圖籍於絕跡之數括  
藻麗乎鳥獸之羣陳龍章於晦夜沈琳琅於重淵蟄伏於盛夏  
藏華於當春雖復下帷覃恩殫毫騁藻幽贊太極單闡釋元本  
言歡則木梗怡顏如巧笑語戚則偶象頓顛而滂沱抑輕則鴻  
羽沈於弱水抗重則玉石漂於飛波離敗則肝膽爲胡越合異  
則萬殊而一和切論則秋霜春肅溫辭則冰條吐葩擢高則峻

極頽淪竦卑則淵池塞我疵清則倚暗外光救濁則立澄黃河  
然不能沾大惠於庶物著引勳於皇家名與朝露皆晞體與蜉  
蝣並化忽崇高於聖人之寶忘川逝於大壘之嗟竊爲先生不  
取焉蓋聞大者天地其次君臣先聖憂時思行其道三月無君  
皇皇如也卽今聖主乃與堯舜一致愍此黎民亦可比屋而封  
故或負鼎而龍躍或扣角以鳳歌不須蒲輪而後動不待文王  
而後興潛初飛五與時消息進有攸往之利退無濡尾之累明  
哲以保身宣化以濟俗使夫承蘭風以傾柯濯清波以遺穢有  
若沈景之應朗鑒方圓之赴規矩故勳格上下惠沾八表夫有  
唐所以巍巍重華所以恭己西伯所以三分姬發所以革命桓  
道藏輯要

抱朴子

稟

虛集九  
X 又 8

文所以一匡漢高所以應天未有不致羣賢爲六嗣託豪傑爲  
舟楫者也若令各守洗耳之高人執耦耕之分則稽古之化不  
建英明之盛不彰明良之歌不作括天之網不張矣故藏器者  
珍於變通隨時英逸者貴於吐奇撥亂若乃耀靈翳景於雲表  
則麗天之明不著哮虎韜牙而握角爪則搏噬之捷不揚太阿  
潛鋒而不擊則立斷之穎不顯驥跡踧趾而不馳則追風之迅  
不形並默則子貢與暗者同口咸暝則離朱與矇瞽不殊矣先  
生潔身而忽大倫之亂得意而忘安上之義存有關機之累沒  
無金石之聲庸人且猶憤色何有大雅而無心哉夫繩舒則木  
直正進則邪凋有虞舉則四凶戮宣尼入則少卯梟猶震雷駭

則馨鼓咽朝日出則螢燭幽也不拯招魂之病則無以効越人之絕伎不獎多難之世則無以知非常之遠量高拱以觀溺非援物之人也懷道以迷國非作者之務也若侯中唐殖占日之草朝陽繁鳴鳳之音郊踣獨角之獸野攢連理之林長旌卷而不懸干戈戢而莫尋少伯方將告退於成功孰能相擢乎陸沈哉深願先生不遠速復哉於是懷水先生蕭然遐眺遊氣天衢情神潦緬旁若無物俯而答曰嗚呼有是言乎蓋至人無為棲神冲漠不役志於祿利故害辱不能加也不躄踏於險途故傾墜不能為患也藜藿不供而意佚於方丈齊編庸民而心歡於有土寢宜僚之舍閉干木之間攜莊萊之友治陋巷之居殆岳

道藏輯要

抱樸子

一

虛集九  
X 文 b

峙而不拔豈有懷於卷舒乎以慾廣則濁和故委世務而不紆助以位極者憂深故背勢利而無餘疑其貴不以爵也富不以財也侶雲鵬以高逝故不縈翻於腐鼠以屢空為厚誠故不改樂於簞瓢且夫玄黃遐邇而人生倏忽以過隙之促託罔極之間迅乎猶奔星之暫見飄乎似飛矢之電經聊且優游以自得安能苦形於外物哉夫鳶不絀網驂不墮筭相彼鳥獸猶知為患風塵之徒曾足未若也若夫要離滅家以効功紀信赴燔以誑楚陳賈刎頸以證弟仲由投命而蒞醢羸門伏劍以喪心聶政感惠而屠殖荆卿絕臙以報燕楚公含悲而授首皆下愚之狂惑豈上智之攸取哉蓋厚祿者責重爵尊者神勞故漆園垂

綸而不顧卿相之貴栢成操耜而不屑諸侯之高羊說安乎屠  
肆楊朱吝其一毛僥求之徒昧乎可欲集不擇木仕不料世貪  
進不慮負乘之禍受任不計不堪之敗論榮貴則引伊周以救  
溺言亢悔則諱覆餗而不記伺河龍之睡而撥明珠居量表之  
寵而莫無患耽漏刻之安蔽必至之危無朝菌之榮望大椿之  
壽似蹈薄冰以待夏日登朽枝而須勁風淵魚之引芳餌澤雉  
之咽毒粒咀漏脯以充饑酣鴆酒以止渴也昔箕子覩象箸而  
流泣尼父聞偶葬而永歎蓋尋微以知著原始以見終然而闇  
夫蹈機不覺何前識之至難而利欲之彌篤邪周成賢而信流  
言公旦聖而走南楚託鴟鴞以告悲賴金滕以僅免況能寤之  
道藏輯要

抱朴子

三

虛集九  
又々々

主不世而一有不悅之誘無時而慙乏德不以激烈風而起斃  
禾事不以載珪璧而稱多才嗟泣靡及宜其然也夫漸漬之久  
則膠漆解堅浸潤之至則骨肉乖析塵羽之積則沈舟折軸三  
至之言則市虎以成故江充疏賤非親於元儲後母假繼非密  
於伯奇而掘梗之誣滅父子之恩袖蜂之誑破天性之愛又況  
其他安可自必嗟乎伍員所以懷忠而漂尸悲夫白起所以秉  
義而刎頸也蓋微見所爲寒心匠人之所眩惑矣又欲推短才  
以希雷同仗獨是以彊眾非然不覩金雖克木而錐鑽不可以  
伐鄧林木雖勝火而升合不足以救焚山寸膠不能治黃河之  
濁尺水不能卻蕭丘之熱是以身名並全者甚稀而先笑後號

者多有也畏亢悔而貪榮之欲不滅忌毀辱而爭肆之情不遣亦猶恐濕而泳深淵憎影而不就陰穿舟而息漏猛爨而止沸者也夫七尺之骸稟之所以生不可受全而歸殘也方寸之心制之在我不可放之於流遁也躬耕以食之穿井以飲之短褐以蔽之蓬廬以覆之彈詠以娛之呼吸以延之逍遙竹素寄情玄毫守常待終斯亦足矣且夫道存則尊德勝則貴隋珠彈雀知者不爲何必須權而顯侯祿而飽哉且夫安貧者以無財爲富甘卑者以不仕爲榮故幼安浮海而澄神胡子甘心於退耕逢比有令德之罪信布陷功大之刑一枝足以戢鸞羽何煩乎豐林潢滂足以泛龍鱗豈事乎滄海藜藿嘉於八珍寒泉旨於醯醢躡履美於赤舄緼袍麗於裘服拱把安於杖鉞鳴條樂乎絲竹茅茨艷於丹楹采椽珍於刻桷登嵩峯爲臺榭庇巖壑爲華屋積篇章爲敖庾寶玄談爲金玉棄細人之近戀損庸隸之所欲遊九臯以含歡遣智慧以絕俗同屈尺蠖藏光守樸表拙示訥知止常足然後咀嚼芝芳風飛雲浮晞景九陽附翼高遊仰棲梧桐俯集玄洲孰與御轡而伏櫪同被繡於犧牛哉起勢公子曰夫入而不出者謂之耽寵忘退往而不反者謂之不仕無義故達者以身非我有任乎所值隱顯默語無所必固時止則止時行則行束帛之集庭燎之舉則君子道長在天利見若運涉陽九讒勝之時則不出戶庭括囊勿用龍起鳳戢隨時之

道藏輯要

抱樸子

一臺

虛集九  
×文8

宜古人所以或避危亂而不肯入或色斯而不終日者慮巫山之失火恐芝艾之并焚耳方今聖皇御運世夷道泰仁及養生惠風遐邁威肅鬼方澤沾九裔儀坤德以厚載凝乾穹以高益神化則雲行雨施玄澤則烟温汪濊四門穆穆以博延主思英逸以俾父此乃千載所希值剖判之一會而先生慕嘉遁之偏枯不覺狷華之患害也務乎單豹之養內未觀暴虎之犯外也是聞涉水之或溺則謂乘舟皆敗以商臣之爲凶則繼體無類也懷水先生曰聖化之盛誠如高論出處之事人各有懷故堯舜在上而箕穎有巢棲之客夏后御世而窮谷有握耒之賢豈有慮於此險哉蓋各附於所安也是以高尚其志不仕王侯存

道藏輯要

抱樸子

壘

虛集九  
X文8

夫爻象匹夫所執延州守節聖人許焉僕所以逍遙於邱園歛跡乎草澤者誠以才非政事器乏治民而多士雲起髦彥鱗萃文武盈朝庶事旣康故不欲復舉熠燿以廁日月之間拊瓶飯於洪鍾之側貢輕扇於墜冰之節銜裘鑪乎隆暑之月必見棄於無用速非時之巨咄若擁經著述可以全真成名有補末化若強所不堪則將顛沛惟咎同悔小狐故居其所長以全其所短耳雖無立朝之勳卽戎之勞然切磋後生宏道養政殊塗一致非狷介之民也劣者全其一介何及於許由聖世恕而容之同曠於有唐不亦可乎起勢公子勃然自失肅爾改容曰先生立言助教文討姦違標退靜以抑躁競之俗興儒教以救微言

之絕非有出者誰敘彝倫非有隱者誰誨童蒙普天率土莫匪  
臣民亦何必垂纓執笏者爲事而樂饑餓門者可非乎失羣迷  
乎雲夢者必須指南以知道並乎滄海者必仰辰極以得反今  
聞嘉訓乃覺其蔽請負衣冠策駑希驥汎愛與進不嫌擇焉

### 自敘

抱樸子者姓葛名洪字稚川丹陽句容人也其先葛天氏蓋古  
之有天下者也後降爲列國因以爲姓焉洪曩祖爲荊州刺史  
王莽之篡君恥事國賊棄官而歸與東郡太守翟義共起兵將  
以誅莽爲莽所敗遇赦免禍遂稱疾自絕於世莽以君宗強慮  
終有變乃徙君於瑯琊君之子浦廬起兵以佐光武有大功光

### 道藏輯要

抱樸子

臺

虛集九  
又七

武踐祚以廬爲車騎又遷驃騎大將軍封下邳僮縣侯食邑五  
千戶開國初侯之弟隨侯徵討屢有大捷侯比上書文爲訟功  
而官以文私從兄行無軍名遂不爲論侯曰弟與我同冒矢石  
瘡痍周身傷失右眼不得盡寸之報吾乃重金累紫何心以安  
乃自表乞轉封於弟書至上請報漢朝欲成君高義故特聽焉  
文辭不獲已受爵卽弟爲驃騎營立宅舍於博望里於令基兆  
石礎存焉又分割租秩以供奉吏士給如二君焉驃騎殷勤止  
之而不從驃騎曰此更煩役國也何以爲讓乃託他行遂南渡  
江而家於句容與弟躬耕以典籍自娛又累使奉迎驃騎驃騎  
終不還又令人守護博望宅舍以冀驃騎之反至於累世無居